

# La Rumantschia è dividida

Reacziuns suenter la discussiun davart l'introducziun dal rumantsch grischun

DA GIUSEP VENZIN

■ **Il deputad rumantsch giavischan da cusseglier guvernativ Claudio Lardi in concept tar l'introducziun dal rumantsch grischun.** Ier ha la regenza respundì a la dumonda dal commember dal cussegl grond *Corsin Farrér* da Stierva. La Quotidiana ha vulì savair da Lardi e dals deputads sche la resposta cuntentia u betg? Ils parais èn dividids.

## Corsin Farrér, Stierva

Jau na sai respunder cun gea u na. In concept vegn uss elavurà e quai è positiv. Entginas dumondas nun èn anc rispundidas. Forsa èsi tuttina la dumonda cardi-



nala gea u na al rg. Quella resposta è dentant vegnida dada l'avust passà. La dumonda actuala è co, con spert e nua. La dumonda sch'il rg retegn la muria dal linguatg na po nagin dar.

## Adrian Maissen, Schluein

Jau avess gugent ina outra schliaziun. La dretga schliaziun è da prender il linguatg da la pluralitad dals Rumantschs e quai è il rumantsch sursilvan. La ma-



schaida na vegn betg acceptada. Era ils Engiadinais na vulan betg il rg.

## Romedi Arquint, Ciuos-chel

Jau na sun betg satisfatg da la resposta

da Lardi. L'introducziun dal rg va suletta-main cun l'integraziun cumplaina dals gremis rumantschs, uschia da la Lia rumantscha, la conferenza dals scolasts e las uniuns regionalas e localas. Las decisiuns finalas ston la vischnancas dar. Quai na dastga dentant betg dividir las regiuns. Ins sto uss introducì projects da pilot. Il problem cardinal è quel: La regenza decida e las vischnancas ston magliar la schuppa. Quai è ina strategia betg acceptabla.



fatg valair. En il concept nov emprendan ils uffants il rg empè dals idioms. Ins po esser da plirs avis, mo jau ves là in problem, nua che la prontezza d'introducì il rg manca. Senza l'acceptanza dals scolasts, geniturs e da tutta cuminanza, avain nus nagin success. Jau hai spetgà d'inoltrar ina moziun che pretenda la pussaivladad da schar decider las regiuns davart l'introducziun dal rg. Jau spetgel perquai che la fracziun rumantscha è dividida. Sch'ina mesadad dals Rumantschs è persuenter ed ina mesadad encunter, lu vala ina giada dapli la devisa dal cusseglier guvernativ Lardi: Divida ed impera!

## Mathias Bundi, Trun

In fatg positiv è che nus savain discuter en la fracziun rumantscha davart il concept. Bler n'avain nus betg intervegnì oz. Quai nun era dentant da spetgar. La direcziun è dada. Nus avain savì far attent da resguardar las resalvas da la Rumantschia. Ils Rumantschs ston far attent che betg l'entir cussegl decidia davart il concept da rg. Da quai ha era Lardi avertì. Ils deputads da lingua tudestga giavischan uss ina decisiun. Co quella decisiun croda or, nun è per els da gronda impurianza.



La proposta per l'introducziun dal rg da 1999 preveda da na substituir ils idioms. La decisiun nova da la regenza nun e la consequenza logica sco i vegn

## Jon Domenic Parolini, Scuol

Nus essan sin ina buna via. Quai avain nus gia constatà a chaschun da la maisa

radunda. Uss stuain nus elavurar en tutta ruassavladad e bain ponderà l'entir concept tar l'introducziun dal rumantsch grischun, co e cura ch'ins vul introducì el en scola. Igl è necessari dad esser mingatant pragmaticher e betg fundamentalist. Ins sto avair in saun giudizi ed ina clera lingia, dentant era la grondezza da discuter cun quels cun in auter avis e da respectar lur temas e lur dubis. Tgi che chaschuna guerra pervì dal linguatg, gioja cun il fieu. Avant che far guerra pervì dal linguatg, laschain nus murir il rumantsch. L'ediziun da cudschs da scola en tschintg idioms è in luxus ch'il chantun na sa e na vul betg prestar pli.



## Claudio Lardi, Cuira

Mo sch'il cussegl grond mida sia opiniun, poss era jau midar mia opiniun. Jau hai retschavì ina incumbensa e stos far mia obligaziun. La regenza ha fatg la proposta d'introducì il rg l'onn 2006, la cumisiun dal cussegl grond ha vulì far quai gia l'onn 2005. Pertutgant la maisa rondada: Là sesan adina las personas falladas. Avaias in pau speranza e laschai elavurar il concept e betg avaias tants dubis.



## Vincent Augustin, Cuira

Nus essan sin ina buna via. Quai avain nus gia constatà a chaschun da la maisa

radunda. Uss stuain nus elavurar en tutta ruassavladad e bain ponderà l'entir concept tar l'introducziun dal rumantsch grischun, co e cura ch'ins vul introducì el en scola. Igl è necessari dad esser mingatant pragmaticher e betg fundamentalist. Ins sto avair in saun giudizi ed ina clera lingia, dentant era la grondezza da discuter cun quels cun in auter avis e da respectar lur temas e lur dubis. Tgi che chaschuna guerra pervì dal linguatg, gioja cun il fieu. Avant che far guerra pervì dal linguatg, laschain nus murir il rumantsch. L'ediziun da cudschs da scola en tschintg idioms è in luxus ch'il chantun na sa e na vul betg prestar pli.



## Vitus Dermont, Laax

Vincent Augustin ha tutgà la nota. Il president da la Lia rumantscha ha ditg cleramain: L'Engiadina Auta che nun è s'empatschada enfin uss per rumantsch, era envidada a la maisa radunda, ha dentant mancà la per gronda part. Nus Sursilvans che avain in bi e saun idiom essan stads pronts da far concessiuns. Nus essan quels che avain desistì da la «Gasetta Romontscha» ed avain acceptà La Quotidiana. Sch'ils Engiadinais na vulan betg introducì il rg en scola, lu è quai che nus avain fatg ils davos onns ina farsa.

